

HARIAZ BESTE

Aritz Gorrotxategi

JULEN AZPEITIA

Aritz Gorrotxategi (Donostia, 1975).

Poesia. Erein Argitaletxea. 2011.

ISBN: 978-84-9746-680-6

76 orrialde.

Lehenengo eta behin, esan dezagun poesia lan hau gonbidapena dela. Gorrotxategik irakurlea gonbidatu du klasikoek blaitutako eza-gumenduz hornitzera, zenbait proposamen sinboliko ulertu ahal izateko eta horietaz hausnar dezan. Zentzu honetan *Hariaz bestek* ikutu pedagogikoa duela esan dezakegu.

Idela honekin Gorrotxategik parsamoniak egindako bidala poetikoa prestatu digu, Gizakiaren jakinahi eta zenbait galdera nagusien inguruan: Egia, sustraiak, lekukotasuna, betiereko itzulera, ilusioak, beldurrak gerta dakigukenaren aurrean, segurtasun nahiak, sinesmenak, ameskeriak, bizitzaren ezin asmatuzko eta atxiki ezinezko izaera, eta abar.

Bereziki hunkigarriak dira krudelkeria, sufrimendua eta indiferentziari buruzko hausnarketak, humanismoa Gorrotxategiren marka eta konpromezua dela adierazten dutenak. Poetak, oraindik ere, zibilizazioaren eta basakeriaren arteko mugak azpimarratu beharra da-goela gogoratu nahi izan digu.

Gai hauek Chillida edo Machadori egindako omenaldiekin, Laboa eta Newton elkartzen dituen poema orijinalaz, Pascalen alpuetz, fil-

men alpamenekin nahiz pertsonala mitologikoen presentziaz aberastu ditu, lan jasoaz gain, entretenigarria eginez.

Elementu guzti hauekin Gorrotxategik heldutasun intelektuala eta trebezia, idazle gisara, barreiatzen dituen poema liburua lortu du. Jada, ez dio irakurleari tiro egiten. Oraingoan armiarmaren maisu lanaz irun duen harian, irakurlea funanbulistaren lekuan ipini du, izarren musikaren ikuskizun itzela begien aurrean, non zerbait traszendentetik izan baldin bada, poema hauek irakurri osteko momentuan irakurlearen pentsamendua bera den, bere sakontasun osoan. Emaitza nabarmena izan da.

"Eskuan haririk geratzen ez bada" poeman, idazlea erabat biluztu egiten da, umiltasunez, eta agertzen duen hauskortasunez, Gizakia (irakurlea barne) biluztu egiten du, bilduma honen puntu gorenera helduz: Poesia eta pentsamendua. Huts hutsean.

Gorrotxategi etorkizuna duen poeta da. Horregatik, ez zaigu komeni idazle honen haria galtzea.